



Pou Piblikasyon Imedya: 02/10/2023

GOUVÈNÈ KATHY HOCHUL

**GOUVÈNÈ HOCHUL ANONSE 18,000 TRAVAY KI DISPONIB POU MOUN K AP CHÈCHE AZIL AK MIGRAN YO NAN KAD INISYATIV NAN TOUT ETA A POU RETIRE MOUN YO NAN ABRI EPI POU YO VIV YON FASON ENDEPANDAN**

*Depatman Travay Eta New York la pral travay avèk apeprè 400 anplwayè pou idantifye opòtinite pou moun k ap chèche azil ak migran yo ki te jwenn otorizasyon travay*

*Gouvènè a lanse kanpay sansibilizasyon publik pou ede anplwayè yo jwenn ak anboche moun k ap chèche azil ak migran yo pou okipe wòl esansyèl yo atravè Eta New York – depliyan dijital la disponib [isit la](#)*

**Baze sou efò kontinyèl Gouvènè a pou fè fas ak kriz migran nan Eta New York**

*Genyen plis enfòmasyon ki disponib [isit la](#)*

Gouvènè Kathy Hochul te anonse jodi a Eta a te idantifye plis pase 18,000 òf travay avèk prèske 400 anplwayè ki vle anboche migran ak moun k ap chèche azil ki te jwenn estati travay legal nan peyi Etazini. Anons sa a vini jis yon mwa apre Gouvènè Hochul te mande Depatman Travay (Department of Labor, DOL) Eta New York pou kòmanse konekte biznis yo ak òf travay pou migran ak moun k ap chèche azil ki te jwenn estati travay legal. Gouvènè a te konsantre sou sekirize estati travay legal pou migran yo ak moun k ap chèche azil yo, ki gen ladan I fè presyon sou gouvènman federal la pou I bay moun ki soti Venezuela yo Estati Pwoteksyon Tanporè (Temporary Protected Status, TPS), pou moun sa yo ka kite sistèm abri a epi kòmanse viv poukонт yo.

"Migran ak moun k ap chèche azil yo te vin isit la pou yo travay -- kidonk, ann mete yo nan travay", **Gouvènè Hochul te deklare**. "Kounye a, nou gen yon kriz migran ak yon kriz mendèv. Lè nou konekte moun ki kalifye pou travay yo avèk travay ak opòtinite nan New York, nou ka rezoud yo tou de epi asire yon avni meyè pou tout Nouyòkè yo".

Nan dat 24 out, Gouvènè Hochul [te mande](#) Depatman Travay Eta New York (NYSDOL) pou I reyalize sansibilizasyon ak anplwayè yo epi detèmine ki òf travay imigran ak moun k ap chèche azil ta ka okipe. Inisyativ sa a te idantifye plis pase 18,000 òf travay nan sektè prive a nan 379 konpayi ki te idantifye wòl moun ki gen estati travay legal yo ta ka

okipe. Sa gen ladann òf travay nan sèvis akomodasyon ak manje, swen sante ak asistans sosyal, fabrikasyon, ak sipò administratif.

Endistri	Bizinis yo	%
Akomodasyon / Sèvis Alimantè	90	24%
Asistans Swen Sante / Sosyal	79	21%
Fabrikasyon	38	10%
Sipò Administratif	29	8%
Lòt	27	7%
Konstriksyon	20	5%
Komès an Detay	19	5%
Sèvis Pwofesyonèl, Syantifik ak Komèsyal	15	4%
Zèv atistik / Divètisman / Lwazi	12	3%
Edikasyon	12	3%
Komès an Gwo	12	3%
Transpò/Depo	7	2%
Jesyon Dechè	7	2%
Lokasyon ak Anfèmaj Byen Imobiliye	6	2%
Finans	3	1%
Agrikilti	1	<1%
Jesyon Enfòmatik ak Enfòmasyon	1	<1%
Administrasyon Piblik	1	<1%

Gen yon repatisyon selon rejjyon an anba a.

Rejjyon	Kantite Travay
Travay nan Rejjyon Kapital	523
Travay nan Rejjyon Santral	673
Travay nan Finger Lakes	205
Travay nan Hudson Valley	2,896
Travay nan Long Island	1,294
Travay nan Mohawk Valley	120
Travay nan North Country	208

Travay nan Southern Tier	98
Travay nan Rejyon Lwès	1,521
Travay nan Vil New York	9,801
Lòt	1,084

Yo te idantifye anplwayè yo atravè yon [pòtay](#) kote yo ka enfòme Eta a ke yo t ap akeyi moun ki fèk otorize yo nan mendèv pa yo. Yon fason apa, yo te kreye yon pwosesis [enskripsiyon](#) kote moun k ap chèche azil ak migran ki gen otorizasyon travay yo kapab enskri pou jwenn asistans. Depatman Travay Eta New York (NYSDOL) ak yon ekip 70 pèsonèl Eta ki reprezante 16 ajans Eta yo te dirije yon gwo efò sansibilizasyon pou idantifye bezwen biznis yo epi evalye konpetans ak ekspètiz moun k ap chèche azil ak migran yo.

Anplis de sa, Gouvènè a te anonse kòmansman yon kanpay sansibilizasyon publik pou ede plis anplwayè eksprime bezwen biznis yo epi akeyi moun k ap chèche azil ak migran ki gen otorizasyon travay nan mendèv yo. NYSDOL pral elaji sansibilizasyon yo bay anplwayè yo atravè rezo sosyal ak kanal dijital epi li pral kòmanse sikile yon depliyen dijital, ki ap oryante anplwayè yo nan fòm admisyon Depatman an.

### **PReponn ak Kriz Migran New York Ia**

Gouvènè Hochul te idantifye otorizasyon travay kòm chemen pou sòti nan kriz sa a, ki pèmèt migran ak moun k ap chèche azil yo kite abri kontribyab yo finanse epi kòmanse viv poukонт yo jan jenerasyon imigran yo te fè. Apre plizyè mwa defans Gouvènè Hochul ak yon gwo kowalisyon lidè politik, sivik ak biznis, Mezon Blanch lan [te anonse](#) plan pou akòde Estati Pwoteksyon Tanporè a moun ki rive Etazini soti nan Venezyela nan dat oswa anvan 31 jiye 2023; Vil New York estime sa a pral pèmèt plis pase 15,000 moun Venezyelen jwenn estati travay legal nan 30 jou.

Anplis de sa, Gouvènè a te ogmante pèsonèl ak resous nan jesyon ka yo, pou ede migran yo ak moun k ap chèche azil yo ranpli dokiman ki nesesè yo pou yo jwenn estati travay legal yo. Sa gen ladann [deplwayne](#) 250 pèsonèl Gad Nasyonal ki asiyen nan sèvis jesyon dosye aplantan, yon pati nan yon deplwaman plis pase 2,100 pèsonèl Gad Nasyonal pou adrese sitiyasyon sa a k ap kontinye. Gouvènè a te deplwayne tou gwo resous finansye pou sipòte jesyon ka, ki gen ladan 20 milyon dola yo te atribiye bay òganizasyon san bi likratif yo k ap sèvi moun k ap chèche azil ak migran yo; 20 milyon dola pou ede Vil New York avèk yon [ogmantasyon dosye](#) atravè Health + Hospitals NYC; 10 milyon dola pou [sèvis legal](#) yo.

Gouvènè Hochul te dirije yon repons solid eta a nan kriz sa a. An jeneral, Eta a angaje 1.7 milya dola pou sipòte moun k ap chèche azil yo ak migran yo, enkli pou abri, transpò ak sèvis sosyal; Eta a fèk avanse 250 milyon dola bay Vil la pou rezon sa yo. Eta a ofri plizyè sit li posede tou, tankou ansyen Lincoln Correctional Facility nan Manhattan ak Bilding 197 nan JFK Airport, pou itilize kòm abri; Eta a kouvari tou depans

pou plizyè Sant Repons ak Sekou Ijanis Imanitè (Humanitarian Emergency Response and Relief Centers, HERRCs) nan Creedmoor Psychiatric Facility ak sou Randall's Island.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)